

# WAA SABABTA AY TAHAY IN WAALIDKA IYO SII-HAYEYAASHA ILMUHU CODKOOKA DHIIBTAAN?

**Waxa soo dhawaaday Maalintii Doorashada!** Sannadkan waxa gudaha Minnesota aynu ku dooran doonaa 134 xubnood oo gali doona Golaha Wakiilada ee Minnesota (House of Representatives), iyo waliba hal (1) xubin oo ah Golaha Duqayda Maraykanka (U.S.Senator) iyo dhamaan 8-da xubnood ee Golaha Wakiilada Maraykanka (U.S.House of Representatives), iyo Madaxweynaha Maraykanka.

Ma og tahay in tiro u dhexeysa 1/3 iyo 2/3 oo ah waalidka leh caruur yaryar iyo tiro u dhexeysa 1/3 iyo 1/2 oo ah ilmo sii-hayeyaasha aanay codeyn wakhtigii doorashadii 2000?

**Marka aad tihiin waalidka iyo sii-hayeyaasha ilmaha yaryar, codkiinu waa mid muhimad leh---muhimad weyn ayuu leeyahay!**

**Marna yaanuu shaki kaa galin muhimadda uu codkaagu leeyahay!**

**Doorashada bilawga ah ee gobolka (State primary): Waa salaasada ama Talaadada 9-ka Bisha Sagaalaad 2008**

**Doorashada guud ee gobolka (general election): Waa salaasada ama Talaadada 4-da Bisha Kow iyo Tobnaad 2008**

## Hal cod ayaa sameyn KARA isbeddel

- ✓ Doorashooyinkii 2000, kaliya in wax yar dhaafsan kala badhka tirada dadweynaha (%51) ayaa codeeyay. Doorashooyinkii 2004, marka la eego dadka cod-bixintu u banaanayd, waxa u soo baxay inay codkooda dhiibtaan dadweyne dhan %61. Minnesota ayaa ugu sareysay wadanka tirada dadka codeeyay.
- ✓ Inkasta oo tirada dadka codeeyay 2004 ay ka sareysay tiradii codeysay 2000, waxa dadka aan codeyn ay ka baaqdeen fursad ay isbeddel ku sameyn lahaayeen oo codkooda lagu maqli lahaa!
- ✓ Sannadkii 2000, doorashada Madaxweynaha gudaha Minnesota waxa go'aamiyay tiro cod oo dhameyd 6,000 cod.
- ✓ Sannadkii 2002, Dan Sparks ayaa loo doortay Golaha Duqayda ee Minnesota isaga oo ku badiyay kaliya 5 cod.

## Si aad isu diiwaangalisid in aad codeysid, fadlan la xidhiidh:

Minnesota Secretary of State's office  
180 State Office Building  
St. Paul, MN 55155  
(651) 296-2803

[www.sos.state.mn.us/election/register.html](http://www.sos.state.mn.us/election/register.html)

Haddii aad u baahan tahay in lagaa gargaaro sidii aad isugu diiwaangalin lahayd cod-bixinta, la xidhiidh Child Care WORKS oo leh lambarka (612) 455-1055 x12.



# DIIWAN GELINTA SHAQSI GA DOORASHADA KA QAYB QAADANAYO

Waa in aad is diiwaan gelisaa oo laguugu daraa liiska rasmiga ee shaqsiyaadka doorashada ka qayb qaadanayo inta aadan doorashada ka qayb qaadan. Waxaad magacaaga ku dari kartaa liiska adigoo buuxiya Dalabka Diiwaan Gelinta Shaqsiga Doorashada Ka Qayb Qaadanayo (Voter Registration Application). Marka aad dalabka buuxinaysid, waa in aad xilliga doorashada bixisaa cinwaanka halka aad ku nooshahay. Waa sharci darro in aad doorashada kaga qayb qaadataa cinwaan aad hore u degganaan jirtay maadaama ay dad cusubi cinwaankaasi isticmaali doonaan.

## IS DIIWAAN GELINTA DOORASHADA KA HOR

Buuxi Dalabka Diiwaan Gelinta Shaqsiga Doorashada Ka Qayb Qaadanaya shaqsi ahaanna u soo celi ama boostada ugu soo dir xisaabiya/hanti-dhowraha deegaanka ama Xoghayaha Gobolka. Foomamka Diiwaan Gelinta Shaqsiga Doorashada Ka Qayb Qaadanaya waxaa laga helayaa maxkamadaha deegaanka, dowladaha hoose ama waxaad koobi kala soo bixi kartaa bogga internetka ee Xoghayaha Gobolka Minnesota ([www.sos.state.mn.us/docs/vr\\_app\\_som.pdf](http://www.sos.state.mn.us/docs/vr_app_som.pdf)). Sidoo kale waxaad doorashada isu diiwaan gelin kartaa marka aad dalbanaysid ama cusboonaysiinaysid laysanka darawalnimada ee Minnesota ama kaarka aqoonsiga ee gobolka.

## ISU DIIWAAN GELINTA DOORASHADA MAALINTA AY DOORASHADU DHACAYSO

Waxaad iska diiwaan gelin kartaa goobta doorashada Maalinta ay Doorashadu Dhacayso (Is-Diiwan Gelinta Isla Maalintaa). Waxaad u baahanaysaa mid ka mid ah waxyaabaha soo socda kuwaasoo caddaynaya halka aad deggan tahay:

- ✓ Laysanka Darawalnimada Minnesota oo aan dhacsanayn, fasaxa barashada darawalnimada, kaarka aqoonsiga (ama rasiidka dalbashada mid cusub), ama kaarka Aqoonsiga qabiilka kaasoo ay ku caddahay cinwaankaaga xaafadda, ama
- ✓ Kaarka “Ogeysiiska Diiwaan Gelinta Raagtay” oo uu kuu soo diray xisaabiyaha/hanti-dhawraha deegaanka (haddii aad la raagtay xareynta kaarka diiwaan gelinta), ama
- ✓ Shaqsi ka diiwaan gashan xaafadda aad deggan tahay in uu xaqiijiyo halka aad deggan tahay, ama
- ✓ Baasaboore Mareykan, kaarka aqoonsiga militariga Mareykanka, Kaarka Aqoonsiga qabiilka ama aqoonsiga ardayga oo wata magacaaga iyo sawirkaaga IYO biilka dhabta ah ee biyaha, mariinnada biyaha, gaaska, korontada, taleefanka, qashinka ama adeegyada kaybalka taleefishinka oo wata magacaaga iyo cinwaanka aad deggan tahay ee xaafaddaada kuwaasoo ay ku qoran tahay xilliga biilka lagaa doonayo oo ah 30 cishood gudahood ee maalinka doorashada.

\*Information provided by the Minnesota Participation Project

